

Malaysia Sertai Sesi Dialog Peringkat Menteri Di Healthcare Asia 2012 Di Singapura
Bernamea
27 Mac, 2012
Oleh Tengku Noor Shamsiah Tengku Abdullah

SINGAPURA, 27 Mac (Bernama) -- Menteri Kesihatan Malaysia Datuk Seri Liow Tiong Lai akan berucap di sesi Dialog Peringkat Menteri di persidangan "Healthcare in Asia 2012" di Fullerton Hotel, di sini Rabu.

Liow akan menyertai Penolong Setiausaha Kesihatan Filipina, Nemesia Gako, dan Nila Moeloek, Wakil Khas Presiden Indonesia di dialog bertajuk Aksesibiliti, akauntabiliti dan affordabiliti.

Penulis Pojok Asia di majalah The Economist, Simon Long bertindak sebagai moderator.

Sidang dua hari itu akan menghimpunkan pakar-pakar terkemuka dari seluruh dunia bagi membincangkan reformasi penjagaan kesihatan di Asia.

Antara anggota panel ialah menteri-menteri kesihatan, ketua-ketua global firma swasta, ahli akademik terkemuka dan eksekutif kanan dari NGO dan badan-badan multilateral.

Menteri Kesihatan Singapura Gan Kim Yong akan menyampaikan ucap-tama di persidangan itu.

--BERNAMA

Hakcipta © 2012 BERNAMA

Source: <http://www.bernama.com/bernama/v6/bm/newsindex.php?id=655291>